

謂為本念故本念比丘亦有本不為無有本何等為比丘本念本謂為信本信本比丘亦有本不為無有本何等為比丘信本有本謂聞法經本聞法經亦有本不為無有本何等為聞法經本謂事賢者本事賢者亦有本不為無有本何等為事賢者有本謂賢者聚本如是比丘聚賢者能得事賢者以事賢者便聞法言以聞法言便致信本以致信本便得念本以得念本便攝守根以攝守根便得三清淨以有三清淨便得四意止以得四意止

本便有七覺意以有七覺意便有無為解脫得度世如是解脫度世轉轉有本今得度世佛說如是弟子奉行

佛說本相倚致經

佛說緣本致經

五十四

十九

失譯人名今附東晉錄

聞如是一時佛在舍衛國祇樹給孤獨園佛告諸比丘愛訛染有榮色未起為纏沒住亦有本哉非無緣致愛有耽荒本致熟在狂醉

爲受不明觀解是名癡本癡緣所生亦爲有本何等爲本眩曜色聲五蓋馳惑斯生癡本矣五蓋蔽冥致影沉吟亦爲有本何等爲本三惡種牽斯謂爲本三惡裁習亦爲有本何等爲本不攝根識斯亦爲本不攝根識緣致有本何等爲本謂非所應念專念不已斯謂本也非應所念亦從本緣不爲無本何等爲本不從正信述於所向斯謂本也不信從謬亦有緣致非爲無本何等爲本惡師所引非法聽受斯謂爲本非正失聽亦有緣本何等

爲本違背賢聖英雋之聚斯謂爲本乖錯賢雋緣致墜背亦爲有本何等爲本失於戴仰虚心集樂斯爲本矣如是比丘夫失賢衆清高之聚身口意行視聽惑滿智心閉塞矣以非法見信向毀矣正道負背則邪見增邪增則內攝喪內攝喪則三惡興恣三惡興恣則五蓋盈滿五蓋盈滿則癡本足癡本足則愛受盛以斯轉種增著倚有塵染無際矣度世明慧昇于脫要亦爲有本何謂度世智慧解脫之本七覺妙法謂爲致本七覺鏡照亦爲

有本何等爲本謂四意止斯則覺本四意靜
止由從有本非無有本其義焉在謂清淨潔
妙其行在三三清淨行亦爲有本非無有本
本義爲何謂守攝諸根斯則爲本守攝諸根
亦爲有本非無有本本義爲何謂鏡攬玄照
斯爲本念矣本念照徃亦爲有本緣致入正
何等爲本本念造勝謂之樹信信亦有本不
爲無本何等信本謂多聞經道次第典要斯
謂爲本聞於經法亦爲有本不爲無本何等
聞法謂賢行澄清業真者也賢者淳靜亦爲

有本何等爲本謂備行清真潔白之聚如是
比丘賢者集勝依附明哲奉事多聞能致信
本信本已立便得正念正念已樹守攝諸根
根守已建登三行淨已三清淨便四意止四
意止立便七覺意七覺意成立是即無爲解
脫度世佛說如是弟子奉行

佛說緣本致經